



FEAU MAI LE OFISA SILI O PULEGA

O fa'ananauga a le Pulega o Uafu ma Taulaga ia sologa manuia ana taumafaiga, o se vaega fa'aPisinisi, ua una'ia ai e fa'atino le mea sili, ia tu-matila ai o se vaega āluālu i le itulagi nei. O le tasi lea o ana manulauti o lo'o aiaia i le Tulafono o Fa'alapotopotoga a le Malo (Fa'atinoga o galuega ma mau-tali atu) 2001, ma e fiafia ai le Komiti o Fa'atonu ma le Pulega o Uafu ma Taulaga, e tu'uina atu lana "Fa'amatalaga o Sini Fa'amoemoeina" mo le vaitausaga ua fa'ailoa atu.

O a matou sini 'autu ua folasia, ua atagia ai fa'amoemoega o vaega ta'itasi e pei ona fofola manino i la matou Fuafuaga 'Autasi mo le taimi ua fa'ata'oto. O lea fuafuaga, e fa'amautuina ai, le fa'amalieina o a matou matafaiioi fa'aleTulafono - le fa'atinoina lelei lea o galuega uma ae tulimata'ia ai fo'i e le Pulega ana tusaga ua mua'i fa'ata'oto.

O lenei fo'i taumafaiga, ua atagia ai lo matou mana'o ia si'itia tulaga o le 'au'aunaga ma le fa'atinoga o tiute ma faiva, aua se 'ai fa'asili o le Pulega. O le fa'amoemoe lava lea e afua ai le naunau e fa'aleleia vaega uma o le uafu, fa'aleleia le 'au'aunaga ma le fa'atinoga o matafaiioi tupito a le Pulega, ia 'ausia ma fa'amalieina ai tulaga fa'ava-o-malo ma fa'amalieina ai mana'oga o Samoa ma ona tagata.

O fa'amoemoega ua folasia, ia fa'amautuina ai le tofu sao o vaega ta'itasi, i 'au'aunaga e ofoina atu, i tulaga aupito vave, lelei ma atoatoa. O le so'otaga fo'i lea o lenei tusitusiga ma le Fuafuaga 'Autasi, mo le taimi ua fuafuaina.

O le agaga maualuga, o le galulue fa'atasi – le Komiti Fa'atonu, le Pulega ma le 'Aufaigaluega atoa, e fa'amautuina ai le taunu'u i lagi-fou o taula'i iai le silasila (*Va'aiga Mamao*) ma 'ausia ai tusaga (*Manulauti*) a le Pulega o Uafu a Samoa i taimi ua tu'upoina.

Ma lou faaaloalo tele

Aiganala'avasa Uialatea Asofa Fereti

PULE SILI / OFISA SILI O PULEGA



TULAFONO

O le tulafono 'autu a le Pulega, o le Tulafono lea o Pulega o Uafu 1998. Peita'i, o ana galuega-fa'atino ma matafaioi o lo'o aiaia i lalo o isi tulafono, tulafono fa'atonutonu ma maliega e pei ona ta'ua i lalo.

- Tulafono o Fa'alapotopotoa a le Malo (Fa'atinoga o galuega ma Mau-talu atu) 2001
- Tulafono o le Pulea o Tupe a le Malo 2001
- Tulafono o Va'a 1998
- Tulafono Fa'atonutonu o Puipuiga o le Gataifale 2004 (Mana'oga Fa'ava-o-malo)
- Tulafono Fa'atonutonu mo Va'a Laiti 1998
- Tulafono o Leipa ma Galuega 2013
- Tulafono Autu o Kamupani 2001
- Isi Maliega/Feagaiga Fa'ava-o-malo talafeagai
- Fa'ai'uga a le Kapeneta
- Faiga Fa'avae a le Malo

OTOOTOGA O LE PULEGA

Tala'aga

Talu ona fa'avaeina i le 1999, o le pulea ma le fa'agaioia o galuega i uafu uma i Samoa, o le matafaioi 'autu lava lea a le Pulega, i lalo o lana Tulafono 'Autu o Fa'atinoga 1988. Ae tusa ai o le Fa'ai'uga a le Kapeneta – FK (14) o le Aso 01 o Iulai, 2014, na se'e atu ai le fa'agaioia ma le pulea o uafu i Mulifanua ma Salelologa, i le Fa'alapotopotoga o Va'a a Samoa. Ua tu'u-tasi ai nei le silasila a le Pulega o Uafu ma Taulaga, i le fa'agaioia ma le va'aia lelei o le uafu fa'ava-o-malo i Apia fa'apea le tausia fa'aauau pea o le uafu i Asau fa'apea le Uafu ma le Nofoga Toso-va'a i Aleipata.

O lo'o fa'afaigaluegaina e le Pulega se 'aufaigaluega e 109, aua 'au'aunaga masani ma le fa'atinoina o galuega fa'aauau i luga o uafu i aso ta'itasi, lea ua vaevaeina i vaega e tolu, aua le tu'uina atu o ia 'au'aunaga i le 24 itula mo va'a e taula ai, o galuega mo'omia mo uta fela'ua'i, fa'apea 'au'aunaga mo le puipua o le saogalemu.

A'o fougou atu i le Aso 01 o Iulai 2016 - e amata aloa'ia ai lena fuafuaga, o le a faitauina ai fo'i le 17 o tausaga talu ona fa'agaioia le Pulega o Uafu ma Taulaga, ma o se 'matatiá foi lea o se Fa'alapotopotoga Tuma'oti a le Malo.



Galuega ma Taunu'uga

Talu ona fa'avaeina, ua tele nisi atina'e tetele ua faia e le Pulega o Uafu. O le fa'alateleina o le Uafu i Apia – i lalo o le poloketi a Iapani (JICA) i le vaitausaga ua fuafuaina, o le a fa'alelei atili ai 'au'aunaga o le taulaina o va'a ma fa'atosina mai ai va'a-la'u-pasese tetele.

O le si'itia o totogi fa'atulagaina mo galuega ia Oketopa 2014, na fesoasoani tele i le fa'aleleia o tulaga tau-tupe a le Pulega, ma ua pa'u maulalo ai 'aitalafu totoe ae si'itia fefa'ataua'iga fa'apisinisi ma saofaga ai le fa'agaioia o le Pulega i se tulaga lelei tau-tupe.

Na si'itia galuega fa'atino faapisinisi i va'a ma uta i le lua tausaga ua mavae, ma 'ausia ai se si'itaga tu'u-fa'atasi faa le tausaga e 21 pasene. (annual growth rate)

O le auai atu ole Pulega o Uafu ma Taulaga i Maliega Fa'ava-o-malo e lagolagoina ai taumafaiga mo Tagata maimoa mai fafo, ua fesoasoani ai i le si'itia o le numera o Va'a La'upasese tetele na asia o tatou Uafu, ma fa'aopoopoina ai, e le gata o tupe-maua mo le Pulega ae fa'apea fo'i mo vaega tau-fela'ua'iga ma pisinisi tau-tagata tafafao.

Puipuiga Malu o le Uafu

O lo'o tausisia pea le maualuga mo'omia mo 'Au'aunaga Tau Puipuiga ma gaioiga i Uafu, e tusa o mana'oga fa'ata'oto ma tulafono fa'atonutonu fa'ava-o-malo (IMO/ISPS) ina ia fa'amautuina ai pea le saogalemu o va'a, o atu-falega ma gaioiga uma o le gataifale, i tulaga fa'ava-o-malo. O lo'o fa'aauau pea asiasiga a le Va'a o Puipuiga a le Iunaita Setete o Amerika (US Coast Guard) mai lea taimi i lea taimi, e fa'amamafaina ai pea ma fa'amautuina le Tausisia o ia tu'utu'uga fa'ava-o-malo (ISPS). Mo lea lava fa'amoemoe, e le o mapu fo'i asiasiga ma siaki masani a le RMP-SPC pei ona iai ia Iuni o le 2013 fa'apea le asiasiga talu ai nei i le 2015, e fa'amautuina ai le tausisia pea o mana'oga a le ISPS. Ua si'itia fo'i e le Pulega ana 'au'aunaga mo le saogalemu, e ala i le fa'atuina o masini pu'e-ata (CCTV) e tulimata'ia ai feoa'iga a va'a ma le fela'ua'iga o uta i le lotoifale o le uafu.

Fa'aleleia o Va'a

O lo'o toe fa'aleleia va'a-toso-va'a o le "Atafa" ma le "Tafola" fa'apea le va'a-pailate o le "Fuao" ma tausisia fa'alausoso'o ina ia fa'amalieina ai pea mana'oga mo su'esu'ega mo le fa'amautuina o le saogalemu ma lelei atoatoa mo galuega masani. O le toe fa'aleleia atoa o ia



va'a, o le a fa'atinoina i lalo o le poloketi a Iapani (JICA) mo le vai-tausaga ua fuafuaina.

Meatotino a le Pulega

O le toe fa'aleleia atoa o meatotino a le Pulega, sa matauina lava ma o se mana'oga sa 'ave iai le fa'amamamua, aua lava le tu'uina atu o le 'au'aunaga sili e mo'omia e le atunu'u lautele fa'apea pa'aga masani a le Pulega.

O lo'o tulimata'ia lava le fa'alauteleina o le uafu mai le 165 mita i le 302 mita, lea ua fuafua mo le taimi ua tu'upoina, o le a si'itia ai le numera o va'a e taula ai ma fa'atosina mai ai fo'i va'a-laupasese tetele aua lava le lagolagoina o le Vaega mo Tagata Tafafao mai fa'apea Fefa'ataua'iga i Samoa.

O le a toe fa'aleleia le masini fua mamafa (weighbridge), e avea o se 'au'aunaga mo latou e 'auina atu oloa i fafo, o vaega e fa'aulufaleina mai oloa mai atunu'u mamao fa'apea kamupani va'a, ina ia saofia ai le fuaina lelei o pusa-olua ma isi uta oloa tetele e 'aumai i Samoa.

Ua tu'uina atu nei le Nofoga mo Va'a-fai-la i tu'utu'uga tau-lisi, o se taumafaiga lava e una'i ai tupe-maua ma iloga ai ni tupe-teu aua totogi ma galuega -fai a le Pulega.

O le Uafu ma le Nofoga Toso-va'a (1000 tone) i Aleipata, sa fa'aleagaina e le sunami i le Aso 29 o Setema 2009. E anoanoa'i seleni a le Pulega na fa'aaluina ai mo le toe fa'aleleia mo le toe tau amataina o 'au'aunaga masani. Ua mae'a galuega toe-fa'aleleia ma galuega fa'aaauu ma ua tu'uina atu uma ia vaega i se tulaga fa'alisi i le Fa'alapotopotoga o Va'a a Samoa mo se vaitaimi fa'a'umi'umi, e avea o se faiga e fa'aaoga-tatauina ai ana meatotino, e fa'aitiitia ai fo'i tupe fa'aalu.

Tumau pea ona le fa'aaogaina le Uafu i Asau peita'i o lo'o tulimata'ia pea e le Pulega, ni avanoa e toe fa'aleleia ai lea uafu, mo le manuia o le loaloa o le atunu'u i lea vaega o Samoa. E iai le avanoa e mafai ai ona toe tatala le uafu lea i Asau mo vaa meli, e una'ia ai le tamaoaiga o tagata maimoa mai fafo.



O LE VA'AIGA MAMAO

“Ia ta’imua i le Itulagi o le Pasefika i le ofoina atu o le tautua silisili ma ‘au’aunaga patino i uafu”

O LE MANULAUTI

Ia atinaé ma fa’aauau le tausia lelei o Uafu, o nofoaga ma isi meatotino uma a le Pulega o Uafu

- *Ina ia o-gatasi ma Mana’oga Masani ma Tulaga Tau Seleni,*
- *Ia mautinoa le saogalemu ma malu-puipuia, ia lelei atoatoa ma fa’atuatuaina ‘au’aunaga e ofoina atu, ma*
- *Ia ‘ausia tulaga mo’omia o uafu fa’ava-o-malo*



SINI FA'AMOEMOEINA

Ua fa'ailo fa'asolosolo i lalo, sini fa'amoemoeina mo le vaitausaga o tu'upoina.

Taunu'uga Mo'omia	Vaega / 'Au'aunaga	Sini Fa'amoemoeina
1	Vaega o 'Au'aunaga Mo Le Lagolagoina o le Pulega	“Ia tu'uina atu 'au'aunaga sili ma talafeagai e lagolagoina ai le Komiti o Fa'atonu, le Minisita ma fa'amautuina le pulea ma le va'aia lelei o matafaioi patino a le Pulega, tulaga tauTupe, o galuega ma fa'atinoga ina ia 'ausia ai taunu'uga o tulimata'ia mo le taimi tu'upoina.
2	Vaega mo Uafu & Gataifale	Ia tu'uina atu 'au'aunaga aupito lelei mo feoa'iga ma le taulaina o va'a
3	Vaega Mo Galuega i Luga o Uafu	Ia tonu ma atoatoa le fa'atinoga o 'Au'aunaga I luga o Uafu (galuega mo uta, Fa'amautuina le Sa'ogalemu, ia 'ausia le 100 pasene o pui puiga & usita'ia tulaga maualuga
4	Vaega o Tupe	Vave, sa'o ma atoatoa ripoti o le pulea ma le va'aia o tupe mo fa'ai'uga-fai a le Pulega”



5	Vaega mo 'Au'aunaga Lautele	Ia tu'uina atu 'au'aunaga talafeagai ma lelei e lagolagoina ai galuega uma ma fa'atinoga a le Pule o Uafu ma Taulaga. Ia atoatoa i le una'ia o 'au'aunaga fa'aPisinisi ma ia atagia ai le tulaga lelei o le Pulega. Ia atoatoa i le va'aia lelei o le 'aufaigaluega ma galuega fa'atino.
6	Vaega o Su'etusi	Ia tu'uina atu 'au'aunaga fa'aSu'etusi i vaega uma o le Pulega, ia saga fa'amalosia ai fa'ananauga o le Pulega i le tautua fa'amaoni ma atoatoa.

POLOKETI FA'APITOA

O le a fa'atinoina i le Uafu i Apia se atina'e tele, i lalo o le Poloketi mo le Saogalemu o le Uafu Tele i le Taulaga. O lea poloketi na amatamea ai le Malo o Iapani ma o le a fa'atinoina fo'i e lea lava malo, e ala mai i lana polokalame fesoasoani fa'ava-o-malo (JICA). E tolu vaega 'autu o le a tulimata'ia i lea poloketi:

1. Ia mautinoa le saogalemu o va'a e feliu'a'i ai
 - * Toe fa'aleleia o va'a toso-va'a
 - * Toe fa'afou ma fa'aleleia vaega e fesoasoani mo femalagaa'iga
2. Ia fa'amautuina le saogalemu le taulaina o va'a ma pole e taula ai
 - * Fa'ateleina o le uafu fou
 - * Toe fa'aleleia o vaega-puipui, ma tali-pupuni tuai o le uafu.
3. Fa'aleleia vaega e taula ai va'a
 - * Ia fa'amautuina le malu-puipuia le fa'atinoga o galuega ma feoa'iga a pasese
 - * Toe fa'aleleia le vaega mo Pusa-oloa
 - * Tu'u-'ese'eseina feoa'iga a pasese ma fela'ua'iga o uta
 - * Fesuia'i le fa'aaogaina o tane-suau'u (oloa e mu gofie suia i oloa e le mu-gofie) i totonu o le vaega e teu ai pusa-oloa
 - * Fa'alelei 'auala-savali mo feoa'iga a pasese



Poloketi	Taimi
Poloketi o le Toe Fa’aleleia o Uafu (JICA)	2016 -2018
Vaega Fesoasoani mo Fa’atautaiga	2016 - 2018
Va’a toso-va’a & Va’a Pailae	2016 - 2018
Taula mo Va’a-folau	2016 - 2018
Toe fa’aleleia o Taligalu	2019 - onwards
Poloketi mo le Uafu i Vaiusu	2020- onwards

O galuega fa’atino e pei ona iai i le ata o galuega, o lo’o fuafua e amata ia Setema 2016 ae mae’a ia Setema 2018, i le tau ua fa’atautauina e 32 miliona tala Amerika (USD\$ 32 miliona). O le sao o le Pulega o Uafu a Samoa mo lea poloketi e pei ona malilie iai le malo, e 230 afe tala Samoa (SAT \$230,000.00).

LAGOLAGO I FAIGA-FA’AVAE A LE MALO

E lagolagoina e le Pulega o Uafu ma Taulaga, faiga-fa’avae ma fuafuaga a le Malo e le gata ia si’itia ai le tamaoaiga lautele, ae fa’amautuina ai fo’i le si’itia o tulaga o le soifuaga. Tele le sao o le Pulega i lea fuafuaga pei ona fa’aalia i Fuafuga o le Atina’eina o Samoa (SDS).

E lua vaega o lea Fuafuaga o lo’o fa’aalia manino ai le sao o le Pulega o Uafu, i le atina’eina o Vaega Tau Fela’ua’iga ma Vaega Tau Tagata Tafafao Mai Fafu. Ua fa’ananau ai le Pulega, e saga fa’amalosia le una’i e fa’aleleia atu-falega ma isi nofoaga talafeagai, fa’apea fo’i ana ‘au’aunaga ina ia fa’amalieina pea tulaga maualuga fa’ava-o-malo, ae si’itia ai tulaga tau-turisi e ala i feso’ota’iga ma Kamupani va’a mo le ‘aumaia pea o meli la’upasese tetele.

Ua nofo sauni fo’i le Pulega e tu’u atu ona tau’au e lagolagoina ai so’o se faiga-fa’avae ma fa’atonuga e tu’uina mai e le kapeneta ma le malo. O le a finau pea le malo e fa’aleleia ana ‘au’aunaga ‘ese’ese e ‘ausia ai se si’osi’omaga e tosina iai pisinisi e aga’i iai le to’atele mo ‘au’auna mo’omia. O ‘au’aunaga ‘autu nei e aofia ai le malosi, vai mama, o feso’ota’iga ma fela’ua’iga.

SAO MO LE ATUNU’U

E iai le sao ogaoga o le Pulega, i le fa’amalieina tutusa lea o mana’oga ma fa’ananauga a ana pa’aga fa’aPisinisi, o mana’oga fa’aleTulafono ae maise mana’oga o le loaloa o le atunu’u. O



lea sao ua taumafai ai e ofoina atu ma fa'asoa atu fo'i nisi o ana meatotino, ia maua ai ni avanoa mo atina'e i le lumana'i ma fa'ateleina atili ai 'au'aunaga 'ese'ese e maua i totonu o Apia, aua se manuia lautele ma le tamaoaiga o Samoa.

Ua manino i le Pulega, le 'ese'ese o mana'oga o latou o lo'o fa'aaogaina le uafu fa'apea fo'i ana pa'aga masani, ma o lea tulaga, ua fa'aaogaina ai ia avanoa e fa'aleleia atili ai so'otaga ma mafutaga va-va-lalata ma latou nei. O nisi o a matou galuega ma fa'atinoga fa'aPisinisi masani, e aofia ai:

Alāmanuia o Faigafaiva

- O le avea o pa'aga e fai ma sui o vaega Faifaiva, e le gata i totonu lava o le lotoifale ae fa'apea fo'i le itulagi, aua le atina'eina o le teuina ma le fa'avasegaina o ia i luga lava o le uafu i Apia.
- Fa'atuina o se vaega po'o se fa'alapotopotoga fo'i mo pa'aga nei, mo le tausia ma le fa'aleleia atili o uafu o iai maketi-i'a i Apia.

Uafu mo Va'a-faila

- O le maua o avanoa tetele e talimalo ai, o se fuafuaga e ao ona aofia i le Fuafuaga mo le Atina'eina o le Vaega Tuma'oti o lo'o tapena, e ono maua ai avanoa e lisiina ai le Uafu mo Va'a-faila i Apia.

Talafatai o Apia ma Atina'e o Tagata Maimoa

- Sa'ili avanoa fa'aPisinisi e ala i le fa'asoasoina o 'au'aunaga e tu'uina atu mo meli-la'upasese e asiasi mai ma tausisia le matagofie o Apia ia avea ai pea o se taunu'uga e tosina mai ai meli-tetele.
- 'Auai i le poloketi ma isi galuega aua le fa'aleleia ma le Atina'eina o le Talafatai o Apia, e aofia ai le fuafuaga mo le fa'amatagofieina o nofoaga o si'osi'omia ai le Uafu.
- O lea fuafuaga e mautinoa le manuia ai o le tamaoaiga lautele o tagata Samoa, a'o tuputupu pea lea tamaoaiga, o le a fa'apena fo'i ona fa'ateleina fa'amanuiaga mo pisinisi i le lotoifale fa'apea vaega tau-faletalimalo. O le tu-maualuga ai o Samoa i totonu o le itulagi, o le a fesoasoani e una'ia ma fa'ateleina meli la'upasese e malaga mai i Samoa.
- Una'ia pa'aga masani e tu'uina mai ni o latou finagalo e fa'atatau i le vaega mo va'a-faila asiasi mai, e momoli mai ai nisi o fautuaga mo le fa'aleleia atili o lea 'au'aunaga i



le lumana'i.

Fuafuaga mo Uafu Lanu-lau'ava

- Fa'atutusa lu'itau tau-si'osi'omaga ma mana'oga tau-tupe (tau-tamaoiga lautele), e ala i le faia o fuafuaga e fa'aitiitia atili ai a'afiaga o le si'osi'omaga e afua ona o fa'atinoga i luga o le uafu i Apia ma oga'ele'ele ua a'afia i galu ma le au e tulalata iai.
- Puipui le fa'aleagaina o le si'osi'omaga ma fa'amamafa atili tulafono a tagata ta'ito'atasi, tulafono a aiga, afio'aga ma alalafaga ma tulafono mo le puipuiga o le si'osi'omaga, ae a talafeagai, 'aua le taofia le matua fa'amamafa o ia tulafono, ma tulafono fa'atonutonu fa'apea isi mana'oga mo'omia mo falegaosi-mea.
- Ia fa'amautuina le paleni o popolega ma atugaluga mo le si'osi'omaga ma atugaluga o le soifuaga lautele, pe faia fuafuaga ma fa'ai'uga mo atina'e ma galuega fa'atino. Fa'amalosia mafaufauga, o lagona ma fa'ananau i le puipuia o le si'osi'omaga e ala i feso'ota'iga ma isi tagata faigaluega, o pa'aga ma le atunu'u lautele.
- Galulue so'o-so'o-tau'au ma latou o lo'o fa'aaogaina uafu mo le faia o se taumafaiga e puipuia ai si'osi'omaga o le uafu i Apia.
- Feso'ota'i ma le Matagaluega o Puna'oa Fa'aNatura ma le Si'osi'omaga e fa'amanatu ma toe polesi fuafuaga e tali atu ai i fa'alavelave matuia oso fa'afuase'i.

Fanua o Esetete o Uafu mo Galuega a le Pulega

- O le fa'alauteleina o le uafu ae maise le pulea lelei o 'esetete ia maua ai avanoa e lagolagoina ai pisinisi fou mo vaega o faigafaiva, vaega mo uta fa'apea vaega e va'aia va'a. O le fa'amoemoe, ia manuia kamupani ma 'au'aunaga o le lotoifale, e maua ai avanoa faigaluega ma maua ai nisi tomai ma agava'a fou.
- O fesoasoani ma foa'i ua fuafua, e tu'u-sa'o atu mo galuega i le gataifale e fa'anaunau iai le lautele.

**FUAFUAGA MO TUPE TOTOGI ILE MALO (DIVIDEND FORECAST)**

Tuuina atu I lalo le Tala o le Tupe, ma Fuafuaga mo Tupe toe totogi atu ile Malo mo le piriota.

12.1 Tala ole Tupe ile aso 30 Iuni**Faamatalaga o Tupe Faavae, Meatotino ma Noataga**

	2015	2016	2017	2018	2019	2020
Aseta/Matotino	\$	\$	\$	\$	\$	\$
Aseta Vave						
Faaliliuina I tupe						
Aofaiga o Tupe	2,281,064	3,229,299	3,390,764	3,560,302	3,738,317	3,925,233
Tupe Maua e lei totogiina mai	1,722,472	2,409,633	2,992,358	1,725,557	1,846,692	1,973,185
Lafoga toe totogi	446,878					
Teugatupe Faavaitaimi	0	3,500,000	3,500,000	3,500,000	3,500,000	3,500,000
Aofaiga o Aseta Vae Faaliliuina I Tupe	4,450,414	9,138,932	9,883,122	8,785,859	9,085,009	9,398,418
Aseta e Tuai ona Faaliliu I Tupe						
Meatotino – Fanua, fale, masisni, ma meafaigaluega	200,824,334	197,440,150	195,737,713	191,319,362	187,433,336	184,132,331
Aofaiga	200,824,334	197,440,150	195,737,713	191,319,362	187,433,336	184,132,331
Aofaiga o Aseta	205,274,748	206,579,082	205,620,835	200,105,221	196,518,345	193,530,749
Faaputuga Tupe ma Aitalafu						
Faaputuga Tupe	35,570,307	35,570,307	35,570,307	35,570,307	35,570,307	35,570,307
Fuafuaina tau o Fanua	106,803,002	106,803,002	106,803,002	106,803,002	106,803,002	106,803,002
Faaagaga	15,750	15,750	15,750	15,750	15,750	15,750
Tupe Gau Faaputupu	-14,117,146	-11,645,198	-10,401,822	-8,907,796	-7,624,378	-5,526,722
Aofaiga o Tupe Faaputu ma Aitalafu	128,271,913	130,743,861	131,987,237	133,481,263	134,764,681	136,862,337
Aitalafu vave totogi						
Aitalafu ma isi noataga	287,088	292,830	298,686	304,660	310,753	316,968



Faaagaga mo le au faigaluega	241,754	202,226	212,337	222,954	234,102	245,807
Isi Tupe Faagaga	74,854	153,615	161,296	169,361	177,829	186,720
Tupe Nono	1,157,955	518,482	4,380,029	3,205,873	3,429,091	3,667,851
Tupe Nono Tuua	1,851,515	1,851,515	1,851,515	1,851,515	1,851,515	1,851,515
Faaleoleo	70,469	46,246	41,621	37,459	33,713	30,342
Lafoga Taofiofi	5,993	12,259	6,130	3,065	1,532	766
Lafoga I luga o Oloa ma Galuega	2,739,292	2,182,553	2,291,680	2,406,264	2,526,578	2,652,906
Aofaiga o Aitalafu totogi vave	6,428,920	5,259,725	9,243,294	8,201,151	8,561,113	8,952,876
Aitalafu e tuai ona totogi						
Aitalafu Faavaitaimi	14,682,844	14,682,844	10,302,815	7,096,942	3,667,851	0
Tupe Maua - Tuua	54,934,612	54,936,193	53,131,029	51,325,865	49,520,701	47,715,537
Aitalafu Tuua mo se Vaitaimi	956,460	956,460	956,460			
Aofaiga o Aitalafu e tuai ona totogi	70,573,916	70,575,497	64,390,304	58,422,807	53,188,552	47,715,537
Aofaiga o Aitalafu	77,002,836	75,835,222	73,633,598	66,623,957	61,753,664	56,668,412
Aofaiga o Faaputuga ma Aitalafu	205,274,749	206,579,082	205,620,825	200,105,221	196,518,345	193,530,749

12.2 Faamatalaga o Tupe Maua ma Tupe Faaalu ile aso 30 Iuni

	2015	2016	2017	2018	2019	2020
Tupe Maua	\$	\$	\$	\$	\$	\$
Tupe Maua Tuua - faataatia	1,849,934	1,788,421	1,726,908	1,665,395	1,603,882	1,542,369
Ovataimi toe maua mai ma isi	2,222,882	2,245,111	2,290,013	2,335,812	2,219,021	2,329,972
Tupe Maua mai I Lisi	415,050	419,201	440,161	462,169	439,060	461,013
Tupe Tului Maua mai teugatupe	14,756	30,595	70,108	70,284	70,495	70,741
Tupe Maua I Galuega Uafu Faava o Malo - \$9,357,951.00 Vaa Fagota - \$ 11,585.00	9,369,536	8,747,387	9,414,215	10,489,166	11,339,045	12,062,641
Uafu o Vaa Faila	62,540	27,600	27,600	27,600	27,600	27,600



Isi Tupe Maua • Totogi o galuega \$ 26,459 • Felauaiga o Oloa \$ 2,412 • Aitalafu Tuua \$ 400 • Isi \$244,004.	273,275	276,008	363,370	399,707	391,713	399,547
Tupe Maua ile Faatauina o Aseta	0	32,000	60,000			
Aofaiga o Tupe Maua	14,207,973	13,566,322	14,392,375	15,450,132	16,090,816	16,893,883
Tupe Faaalu						
Totogi o Suetusi	52,000	58,650	57,000	58,650	58,650	58,650
Tau faaititia o Aseta	3,922,637	3,384,096	3,326,139	3,392,663	3,460,515	3,529,725
Totogi ole Aufaigaluega	3,554,945	2,294,560	3,748,912	3,936,358	4,133,176	4,339,835
Faamanuiaga o Tagata Faigaluega	146,373	228,396	312,044	397,342	484,316	572,989
Isi Tupe Faaalu I Galuega Galuega Faatino \$1,275,297 Galuega Toe Faaleleia \$ 184,403 Mea Iaiti \$ 832,558 Isi galuega \$ 73,467 Faalauiloaina o pisinisi \$ 28,063	2,393,788	2,505,739	3,461,195	4,132,531	4,728,369	4,633,266
Tupe Faaalu I galuega tau tupe	26,588	26,322	26,059	25,798	25,540	25,285
Tupe Totogi I Tului o Nonogatupe	1,839,216	1,275,109	806,151	597,464	374,245	135,485
Tupe Faalu Komiti Faatonu	61,003	27,245	26,973	26,703	26,436	26,172
Totogi o Komiti Faatonu	44,391	109,312	130,000	130,000	130,000	130,000
Isi galuega totogi	51,811	18,188	18,551	18,923	19,301	19,687
Tupe faaalu I le toe fuafuaina o aseta		563,256				
Tupe ua le toe maua I aseta faaleaogaina	12,174,633	603,501				
Aofaiga o tupe Faaalu	24,267,385	11,094,375	11,913,025	12,716,431	13,440,548	13,471,093
Tupe Faasili/Tupe Gau	-10,059,412	2,471,948	2,479,350	2,733,701	2,650,268	3,422,790
Aofaiga o Tupe totogi ile Malo	0	0	1,235,974	1,239,675	1,366,851	1,325,134
Tupe Mama/(Gau) mo le piriota	-10,059,412	2,471,948	1,243,376	1,494,026	1,283,417	2,097,656